

Ո Ր Ո Շ ՈՒ Մ թիվ-312
վարչական տույժ նշանակելու մասին

«20» հոկտեմբերի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով Ֆարդին Համդանի վերաբերյալ նյութերը՝

Պ Ա Ր Զ Ե Ց Ի՝

2021 թվականի հոկտեմբերի 01-ին ՀՀ ՊԵԿ Հարավային մաքսատուն-վարչության աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանած, Ֆարդին Համդանի կողմից շահագործվող «SCANIA» մակնիշի, 28AA778 հաշվառման համարանիշի ավտոբուսը, ինչի արդյունքում, նշված ավտոբուսի ուղեբեռների համար նախատեսված խցիկի հատուկի հարմարեցված թաքստոցից, հայտնաբերել են մաքսային հսկողությունից թաքցրած ընդհանուր՝ 265 կգ քաշով հեղուս, որից՝ 207,5 կգ-ը միակողմանի կարճ սայրով, իսկ 57,5 կգ-ը՝ երկկողմանի երկար սայրով:

Փաստի առթիվ վարորդ Ֆարդին Համդանի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ իրավախախտման անմիջական օբյեկտ համարվող վերոնշյալ ապրանքները ի պահ է հանձնվել Մեղրիի մաքսային կետ-բաժնի մաքսային հսկողության տարածքում:

Վարչական վարույթի ընթացքում 06.10.2021թ-ի գրությամբ հարցում է կատարվել ՀՀ ՊԵԿ Հարավային մաքսատուն-վարչություն ճշտելու վերոնշյալ ապրանքի մաքսային արժեքի և վճարման ենթակա մաքսային վճարների չափը:

ՀՀ ՊԵԿ Հարավային մաքսատուն-վարչության 07.10.2021թ-ի գրության համաձայն՝ 2021թ-ի հոկտեմբերի 01-ի դրությամբ <<բացթողում՝ ներքին սպառման համար>> մաքսային ընթացակարգով վերոնշյալ ապրանքները ձևակերպելու դեպքում մաքսային արժեքը կկազմի 231,188 ՀՀ դրամ, իսկ մաքսային վճարները՝ 68,432 ՀՀ դրամ, որից մաքսատուրք 18,495 ՀՀ դրամ, ԱԱՀ՝ 49,937 ՀՀ դրամ:

ԵԱՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով

նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Ֆարդին Համդանին 2021 թվականի հոկտեմբերի 20-ին հրավիրվել է ՀՀ ՊԵԿ հրավաբանական վարչություն՝ իր նկատմամբ ՀՀ մաքսային օրենսգրքի 201-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս չի ներկայացել:

Սահմանային էլեկտրոնային կառավարման տեղեկատվական համակարգի տվյալների ուսումնասիրությունից պարզվել է, որ ԻԻՀ քաղաքացի Ֆարդին Համդանը գտնվում է ՀՀ սահմաններից դուրս:

Այսպիսով, նյութերով պարզվել է, որ 2021 թվականի հոկտեմբերի 01-ին ԻԻՀ քաղաքացի Ֆարդին Համդանը մաքսային հսկողությունից թաքցնելով՝ ավտոբուսի ուղեբեռների համար նախատեսված խցիկի հատուկի հարմարեցված թաքստոցում, ՀՀ մաքսային սահմանով տեղափոխել է 231,188 ՀՀ դրամ մաքսային արժեքով ապրանք, այսինքն՝ վերջինս թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, Հարավային մաքսատուն-վարչության գրությամբ, 01.10.2021թ-ի մաքսային զննման ակտով:

Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ հոդվածով, 206, և 221, 224-րդ հոդվածներով,

Ո Ր Ո Շ Ե Ց Ի՝


1. Ֆարդին Համդանին (անձնագիր՝ N50088458) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված վերոնշյալ ապրանքի մաքսային արժեքի չափով՝ 231,188 ՀՀ դրամի չափով: /վճարումը 900005024055 հաշվեհամարին/

2. Վերցված ապրանքները կարող են վերադարձվել մաքսային ձևակերպումները կատարելուց, տուգանքի վճարումից, մաքսային վճարների և պարտավորությունների կատարումից հետո՝ մեկ աշխատանքային օրվա ընթացքում:

3. ԵԱՏՄ մաքսային օրենսգրքի 98-րդ հոդվածի 4-րդ մասի համաձայն՝ որոշումն ուժի մեջ մտնելու օրվան հաջորդ օրվանից ոչ ուշ, քան 10 օրացուցային օրվա ընթացքում վերցված ապրանքները պետք է հանձնվեն ժամանակավոր պահպանման:

4. Որոշման մասին հայտնել Ֆ.Համդանին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ